



Inatsisartut Suleriaasianni § 37 imm. 1 naapertorlugu Naalackersuisunut apeqquut imaattoq matumuuna saqqummiuppara.

Naalackersuisunut apeqquut:

- 1. Nunatsinni suliffeqarfiit tamarmik akileraarutaat assigiitsinneqalissappata, suliffeqarfiit mikisut angisuullu ataatsimut akileraarutaat 15%-imut inissillugu qanoq nunatta karsianut sunniuteqassava?**
- 2. Nunatsinni ingerlatseqatigiiffiit akileraarutaasa appartinnissaat FL2019-imi akuerineqartut ilanngunnagit, suliffeqarfiit nunatsinniittut sinneruttut akileraarutaasa 15%-imut annertussusilerlugu inissinneqarpat qanoq sunniuteqassava?**
- 3. Naalackersuisut kissaatigaat nunatsinni suliffeqarfiit tamarmik assigiimmik atugassaqartitaanissaat aamma akileraartarnikkut atuutsinneqassasoq?**
- 4. Nunatsinni suliffeqarfiit tamavimmik akileraarutaasa appartinneqarnerisigut suliffissanik amerlanerusunik pilersitsisoqarnissaa pitsaanerulissasoq Naalackersuisut isumaqatigaat?**
- 5. Nunatsinni suliffeqarfiit tamavimmik akileraarutaat appartinneqanngippata sunniutipiluit suut ullumikkutut atuutiinnassanersut Naalackersuisut erseqqissarsinnaavaat?**
- 6. Naalackersuisut isumaqarpat suliffeqarfiit tamavimmik akileraarutaasa appartinnerisigut suliffissaaleqineq appartinneqarsinnaasoq?**
- 7. Ingerlatseqatigiiffiit akileraarutaasa 2020-imiit appartinneqarnissaa aamma suliffissat amerlinissaannik siunertaqartoq Naalackersuisut uppersarsarsinnaavaat?**
- 8. Suliffeqarfiit imminut pigisut, A/S-itut ingerlatsisut, APS-itut ingerlatsisut allallu tamaasa ilanngullugit ataatsimut akileraarutaat appartinneqassappata tamanut qanoq sunniuteqassava?**
- 9. Nunatsinni suliffeqarfiit tamaavissuarmik akileraarutaasa 15%-imut appartinneqassappata pitsaaqutissartai suusinnaanersut Naalackersuisut erseqqissarsinnaavaat?**

(Inatsisartunut ilaasortaq Aqqaluaq B. Egede, Inuit Ataqatigiit)

Tungavilersuut:

Suliffeqarfinnut akileraarutit sammeneqarnerisa nalaanni pingaaruteqarpoq Naalackersuisut suliassat pillugit akissuteqaataasa aamma sulinermut ilaatinneqarnissaat. Taamaammat apeqquutit nassiussat qulaani pisakka pingaaruteqarluinnartuupput aamma Inatsisartut sulineranni. Taamaammat kissaatigaara suliassat suliffeqarfinnut ataasiakkaanut, aamma suliffeqarfinnut nunatsinniittunut tamanut ingerlatsinermut tungassuteqartut piaartumik akineqarnissaat. Kissaatigaara apeqquutit ullut qulit qaangiutsinnagit akineqarnissaat.